

- 41 -

Na osnovu člana 21., a u vezi sa članom 3. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj 86/07), člana 46., a u vezi sa članom 39. Zakona o budžetima u Federaciji Bosne i Hercegovine („Službene novine Federacije BiH“, broj 19/06, 76/08, 05/09 i 32/09), člana 13. Zakona o principima lokalne samouprave u Federaciji BiH („Službene novine Federacije BiH“, broj 47/06) i člana 25. Statuta općine Zavidovići („Službeni glasnik općine Zavidovići“, broj 5/08 i 5a/08), Općinsko vijeće Zavidovići na 18.sjednici održanoj 30.01.2010.godine, donosi

## **O D L U K U**

### **o kreditnom zaduženju općine Zavidovići**

#### **Član 1.**

Ovom Odlukom daje se saglasnost kojom se općina Zavidovići može kreditno zadužiti u cilju finansiranja kapitalnog projekta "Rekonstrukcija puta Zavidovići-Pašin Konak" na iznos glavnice od 2.200.000,00 KM sa rokom vraćanja do 7 (sedam) godina.

#### **Član 2.**

Uslovi u pogledu roka otplate, kamatne stope, instrumenata osiguranja vraćanja kredita, kao i ostali uslovi, regulisat će se ugovorom između općine Zavidovići i najpovoljnijeg ponuđača kao servisera predmetnog kredita koji će biti izabran u skladu sa Zakonom o javnim nabavkama BiH („Službeni glasnik BiH, broj“, 49/04, 19/05, 52/05, 8/06, 24/06, 70/06, 12/09 i 29/09).

#### **Član 3.**

Ovlašćuje se Općinski načelnik da u ime općine Zavidovići provede proceduru za obezbjeđenje kreditnih sredstava i potpiše ugovor o kreditnom zaduženju u skladu sa ovom Odlukom.

#### **Član 4.**

Potrebna sredstva za izmirenje obaveza po osnovu kredita planirat će se Budžetom općine Zavidovići za svaku narednu godinu sve do izmirenja obaveza u cjelosti.

#### **Član 5.**

Ova Odluka stupa na snagu narednog dana od dana objavljivanja u „Službenom glasniku općine Zavidovići“.

OPĆINA ZAVIDOVIĆI  
- OPĆINSKO VIJEĆE -

PREDSJEDAVAJUĆI  
OPĆINSKOG VIJEĆA

Broj: 01-14-231/ '10  
Dana: 30.01.2010.godine

(M.P.)

ing. Radosav Petrović, s.r.